

## বিদায়

কৃষ্ণকুমার গুপ্ত

আমাদের আয়ু খুব সীমিত  
 পরিমিত সময়ের শেষ প্রান্তে উপস্থিত  
 আমরা দু'জন,  
 এখন শেষ হয়ে যাবে ফুলের স্রাব,  
 কচুপাতার চরম সবুজতায় উপস্থিত  
 এক ফোঁটা টলটলে অশ্রু।  
 সমাপ্তির দ্বারপ্রান্তে আজ  
 ভীষণ মলিন আগামীকাল  
 আর দেখা হবে না কখনো,  
 আগামী কখনো আজকালকার মতো  
 জড়িয়ে থাকবে না হৃদয় জুড়ে,  
 সেখানে হয়ত অন্য নারী  
 অন্য স্বপ্ন, অন্য সকাল দুপুর।  
 সময় রঙ মাখে গায়ে  
 প্রতিনিয়ত চক্রাকার এই আবর্তনে  
 আমরা বারবার আসি  
 হাসি কান্নায় বেঁচে থাকি আর  
 অনায়াসে বলে দেই, বিদায়।